

HELAIAN PENDEDAHAN PRODUK	Etiqa Family Takaful Berhad ("Pengendali Takaful / Kami")
Sila baca Helaian Pendedahan Produk ini sebelum anda memutuskan untuk menyertai Etiqa Term Takaful Plus. Anda juga diminta untuk membaca terma-terma dan syarat-syarat amnya.	Etiqa Term Takaful Plus
	<Date>

### 1. Apakah ciri-ciri produk ini?

Etiqa Term Takaful Plus merupakan satu pelan takaful yang memberi manfaat kematian dan hilang upaya menyeluruh dan kekal (HUMK) sehingga umur 70 tahun. Jumlah yang dilindungi tambahan akan dibayar sekiranya kematian atau HUMK disebabkan oleh kemalangan.

### 2. Apakah konsep-konsep Syariah yang digunakan?

#### a) Tabarru'

Pelan ini menggunakan konsep Tabarru' (derma) di mana peserta bersetuju untuk mendermakan atau menyumbangkan sebahagian tertentu dari sumbangan untuk Dana Risiko Peserta (DRP) untuk tujuan saling bantu-membantu dan bantuan kepada peserta-peserta, jika diperlukan.

#### b) Wakalah

Pelan ini juga menggunakan konsep Wakalah (perwakilan), di mana peserta melantik Kami untuk bertindak bagi pihak peserta untuk melabur dan menguruskan Dana Risiko Peserta (DRP). Fi Wakalah ditolak daripada sumbangan setiap sijil. Peserta juga bersetuju untuk membenarkan Kami untuk mewakilkan hak-hak, tanggungjawab dan kewajipan-kewajipan Kami kepada mana-mana pihak ketiga sebagaimana yang Kami anggap sesuai untuk tujuan mencapai objektif untuk mengurus dan melabur DRP, dengan syarat bahawa, dengan perwakilan sedemikian, Kami akan kekal bertanggungjawab terhadap semua hak, tanggungjawab dan kewajipan tersebut terhadap peserta.

#### c) Dana Risiko Peserta (DRP)

Sumbangan ditolak fi Wakalah akan disalurkan ke dalam Dana Risiko Peserta (DRP). Lebih daripada DRP diperuntukkan untuk peruntukan luar jangka dan akan diagihkan mengikut polisi lebihan yang telah diluluskan oleh jawatankuasa Syariah Kami. 50% daripada sebarang lebihan yang diagihkan akan dikongsi di antara peserta-peserta yang sijilnya masih berkuat kuasa dan tidak membuat sebarang tuntutan dalam tahun kewangan tersebut. Manakala baki 50% lagi akan dibayar kepada Kami kerana mengendali dan menguruskan DRP, berasaskan kontrak Ju'alah. Ju'alah adalah kontrak upah yang menentukan asas pengagihan perkongsian lebihan.

### 3. Apakah perlindungan / manfaat yang diberikan?

No.	Perlindungan/ Manfaat	Huraian Manfaat
1.	Kematian	Apabila berlaku kematian orang yang dilindungi, jumlah yang dilindungi sebanyak RM<sum covered> akan dibayar, dan apa-apa lebihan DRP, jika ada. Nota: a) Apabila kematian yang bukan disebabkan oleh kemalangan berlaku dalam tempoh 1 tahun dari tarikh pengeluaran sijil, manfaat kematian yang dibayar adalah pengembalian semula jumlah sumbangan yang dibayar di bawah sijil ini. b) Sijil ini akan ditamatkan selepas pembayaran manfaat kematian, dan tiada manfaat lain yang akan dibayar selepas itu.
2.	Hilang Upaya Menyeluruh dan Kekal (HUMK)	Apabila berlaku HUMK bagi orang yang dilindungi, jumlah yang dilindungi sebanyak RM<sum covered> akan dibayar, dan apa-apa lebihan DRP, jika ada. Nota: a) Apabila HUMK yang bukan disebabkan oleh kemalangan berlaku dalam tempoh 1 tahun dari tarikh pengeluaran sijil, manafaat HUMK yang dibayar adalah pengembalian semula jumlah sumbangan yang dibayar di bawah sijil ini.

No.	Perlindungan/ Manfaat	Huraian Manfaat
		b) Sijil ini akan ditamatkan selepas pembayaran manfaat HUMK, dan tiada manfaat lain yang akan dibayar selepas itu.
3.	Manfaat Kemalangan	<p>Kematian Akibat Kemalangan:</p> <ol style="list-style-type: none"> <li>1) Apabila berlaku kematian orang yang dilindungi disebabkan oleh kemalangan, tambahan 100% daripada jumlah yang dilindungi akan dibayar, diatas manfaat kematian.</li> <li>2) Sekiranya kematian orang yang dilindungi disebabkan oleh kemalangan semasa berada di luar Malaysia, tambahan 200% daripada jumlah yang dilindungi akan dibayar, diatas manfaat kematian.</li> </ol> <p>Nota:</p> <p>Manfaat kematian akibat kemalangan berlaku di luar Malaysia adalah tertakluk kepada tempoh perjalanan 90 hari berturut-turut. Jika kematian akibat kemalangan di luar Malaysia berlaku selepas tempoh melebihi 90 hari, jumlah yang akan dibayar adalah terhad kepada tambahan 100% daripada jumlah yang dilindungi.</p> <p><b><u>HUMK Akibat Kemalangan:</u></b></p> <p>Apabila berlaku HUMK orang yang dilindungi disebabkan oleh kemalangan, tambahan 100% daripada jumlah yang dilindungi akan dibayar, diatas manfaat HUMK.</p>

**Peringatan:** Sila rujuk ilustrasi pemasaran untuk jumlah yang dilindungi, tempoh perlindungan dan butiran tempoh pembayaran sumbangan sijil anda. Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Kami atau PIDM (layari [www.pidm.gov.my](http://www.pidm.gov.my)).

#### 4. Berapakah jumlah sumbangan yang perlu saya bayar?

Anggaran sumbangan tahun pertama yang perlu anda bayar ialah <RM sumbangan>. Tempoh sijil dan tempoh pembayaran sumbangan ialah <tempoh> tahun.

Sumbangan yang ditunjukkan adalah berdasarkan umur yang telah dicapai anda (hari jadi berikutnya) pada tarikh permulaan, dan akan berubah berdasarkan umur yang telah dicapai pada tahun sijil semasa. Kadar sumbangan adalah tidak dijamin dan Kami berhak untuk mengubah kadar sumbangan dengan memberikan notis 3 bulan lebih awal.

Semua sumbangan (jika berkenaan) adalah tertakluk kepada caj-caj atau cukai-cukai berkenaan yang ditentukan perlu oleh pihak berkuasa percukaian Malaysia. Adalah penting untuk menyimpan setiap resit yang anda terima sebagai bukti pembayaran sumbangan.

#### 5. Apakah fi-fi dan caj-caj yang perlu saya bayar?

Fi Wakalah akan dibayar kepada Kami bagi tujuan menanggung perbelanjaan pengendalian dan pengurusan pelan ini.

Fi Wakalah adalah penolakan 25% dari jumlah sumbangan tahunan setiap sijil. Tiada komisen dikenakan untuk pelan ini.

#### 6. Apakah terma-terma dan syarat-syarat utama yang perlu saya tahu?

- a) Kepentingan Pendedahan – Untuk membantu Kami membuat keputusan yang tepat dalam menerima risiko dan menentukan kadar dan terma sijil anda, anda dikehendaki menyatakan semua maklumat yang relevan, termasuk keadaan perubatan (jika berkenaan) dan umur dengan betul. Sekiranya maklumat yang berkenaan disembunyikan atau didapati tidak tepat, ia berkemungkinan akan menyebabkan pembatalan sijil ini, tuntutan tidak dibayar, atau terma dan syarat sijil diubah.
- b) Tempoh Tangguh - Tempoh masa tambahan yang diberikan kepada anda untuk membayar sumbangan yang perlu dibayar. Tempoh tangguh di bawah sijil ini adalah 31 hari dari tarikh sumbangan perlu dibayar. Sijil anda akan luput jika sumbangan yang perlu dibayar tidak diterima dalam tempoh tangguh.
- c) Tempoh Percuma - Anda berhak untuk membatalkan sijil dengan memberikan arahan bertulis kepada Kami dalam tempoh 15 hari selepas sijil telah diterima oleh anda. Kami akan mengembalikan sumbangan yang telah diterima. Bagi pembatalan sijil yang diminta oleh orang utama yang dilindungi dalam tempoh percuma, Kami akan menamatkan sijil ini dan mengembalikan jumlah sumbangan telah diterima di bawah pakej keluarga. Sijil ini akan dianggap telah diterima oleh Kami pada tarikh ia dihantar sendiri, atau pada tarikh ia diposkan kepada Kami jika dihantar melalui pos berdaftar atau pada tarikh transmisi jika sijil ini dihantar secara elektronik.
- d) Pakej Keluarga – Penamatan sijil orang utama yang dilindungi akan menamatkan perlindungan sijil bagi ahli-ahli keluarga dibawah pakej keluarga.

Nota: Senarai ini adalah tidak menyeluruh. Sila rujuk kepada sijil untuk terma-terma dan syarat-syarat yang lengkap.

#### 7. Apakah pengecualian utama di bawah pelan ini?

- i) Bunuh Diri

Sekiranya orang yang dilindungi membunuh diri ketika siuman, liabiliti Kami adalah terhad kepada yang berikut:

- a) Dalam 1 tahun dari tarikh pengeluaran sijil, Kami akan mengembalikan jumlah sumbangan yang telah diterima.
- b) Selepas 1 tahun dari tarikh pengeluaran sijil, Kami akan bayar jumlah yang dilindungi, dan apa-apa lebihan DRP, jika ada.

Sekiranya orang yang dilindungi membunuh diri ketika tidak siuman, Kami akan bayar jumlah yang dilindungi, dan apa-apa lebihan DRP, sekali gus.

- ii) Apabila kematian dan HUMK yang bukan disebabkan oleh kemalangan berlaku dalam tempoh 1 tahun dari tarikh pengeluaran sijil, manfaat kematian atau HUMK yang akan dibayar adalah mengembalikan jumlah sumbangan yang telah dibayar.
- iii) Bagi manfaat kemalangan dan HUMK, tiada manfaat akan dibayar bagi kejadian atau keadaan berikut yang berlaku secara langsung atau tidak langsung:
  - a) Kecederaan diri sendiri yang disengajakan atau cubaan membunuh diri ketika siuman;
  - b) Penyertaan dalam apa-apa perbuatan jenayah atau menyalahi undang-undang, mogok, rusuhan, keganasan, atau kekecohan awam;
  - c) Penyertaan dalam sukan atau aktiviti yang berisiko atau berbahaya, penerbangan atau sebarang aktiviti udara (kecuali sebagai penumpang yang membayar tambang atau anak-anak kapal dalam laluan biasa yang dikendalikan oleh syarikat penerbangan komersial);
  - d) Penggunaan alkohol, ubat-ubat atau narkotik tanpa preskripsi atau yang menyalahi undang-undang; atau
  - e) Virus Kurang Daya Tahan Manusia (HIV) atau Sindrom Kurang Daya Tahan Penyakit (AIDS).

**Nota:** Senarai ini adalah tidak menyeluruh. Sila rujuk kepada sijil untuk senarai pengecualian-pengecualian yang lengkap.

#### 8. Bolehkah saya membatalkan sijil ini?

Sekiranya notis pembatalan bertulis diterima selepas tempoh percuma 15 hari tersebut, tiada pengembalian sumbangan dan tiada nilai serahan akan dibayar di bawah sijil ini.

Bagi pembatalan sijil yang diminta oleh orang utama yang dilindungi di bawah pakej keluarga, Kami akan menamatkan semua sijil di bawah pakej keluarga tanpa mengembalikan sumbangan dan tiada nilai serahan akan dibayar.

#### 9. Apakah yang perlu saya buat sekiranya terdapat perubahan kepada butir-butir peribadi saya?

Adalah penting untuk anda maklumkan kepada Kami segala perubahan kepada butir-butir peribadi anda (termasuk penama) bagi memastikan semua surat-menyurat sampai kepada anda dengan kadar segera. Sila menghantar e-mel ke [info@etiqa.com.my](mailto:info@etiqa.com.my), atau hubungi Etiqa Online di 1300-13-8888.

#### 10. Dimanakah boleh saya memperoleh maklumat lanjut?

Jika anda mempunyai sebarang pertanyaan lain, atau memerlukan maklumat lanjut, sila hubungi Etiqa Online dengan menghubungi 1300-13-8888, atau tulis kepada Etiqa Family Takaful Berhad (199301011506), Dataran Maybank, No 1, Jalan Maarof, 59000 Kuala Lumpur; atau melalui faksimili 03 – 2297 3800; atau menghantar e-mel ke [info@etiqa.com.my](mailto:info@etiqa.com.my); atau dengan menghubungi 03 – 2297 3888, atau kunjungi [www.etiqa.com.my](http://www.etiqa.com.my). Etiqa Family Takaful Berhad dilesenkan di bawah Akta Perkhidmatan Kewangan Islam 2013 dan dikawalselia oleh Bank Negara Malaysia.

#### 11. Lain-lain jenis perlindungan serupa yang boleh didapati?

Sila rujuk kepada laman web Kami di [www.etiqa.com.my](http://www.etiqa.com.my) untuk lain-lain jenis perlindungan serupa yang sedia ada.

#### **NOTA PENTING:**

**PENYERTAAN DALAM SIJIL KELUARGA MERUPAKAN SUATU KOMITMEN KEWANGAN JANGKA PANJANG. ANDA HARUS MEMILIH JENIS SIJIL YANG PALING SESUAI DENGAN KEADAAN PERIBADI ANDA. ANDA JUGA PERLU MEMBACA DAN MEMAHAMI SIJIL ANDA ATAU HUBUNGI KAMI UNTUK MAKLUMAT LANJUT.**

Maklumat dalam Helaian Pendedahan Produk ini sah pada <issue date>.